

Prelazne odredbe o priznavanju poena stečenih u ranijim akademskim godinama

S obzirom da je novim Pravilnikom o bodovanju i ocjenjivanju na mnogim predmetima usvojen značajno drugačiji sistem bodovanja nego što je bio u ranijim akademskim godinama, cilj ovog dokumenta je da se precizira način kako će se poeni ostvareni u ranijim akademskim godinama priznavati nakon usvojenih izmjena.

1. Studenti koji nemaju apsolventski status

1.1. Priznavanje I parcijalnog ispita

Poeni sa položenog I parcijalnog ispita iz prethodne akademske godine mogu se priznati u toku ove akademske godine kao poeni sa parcijalnog ispita, odnosno I parcijalnog ispita ukoliko na predmetu i dalje postoji više od jednog parcijalnog ispita. Pod položenim I parcijalnim ispitom smatra se I parcijalni ispit na kojem je skupljeno dovoljno poena za prolaz kako je to bilo precizirano ranijih akademskih godina (na većini predmeta to je bilo 10 ili više poena). Naravno, student ima pravo odbiti priznavanje poena i ponovo raditi ispit. Nepoloženi I parcijalni ispit ili I parcijalni ispit položen u akademskim godinama prije prethodne *ne mogu se priznati*.

Precizan postupak priznavanja poena (za slučaj kada je priznavanje dozvoljeno) je sljedeći:

- Ukoliko sadašnji parcijalni ispit (ili sadašnji I parcijalni ispit) nosi isti broj poena kao i raniji I parcijalni ispit, poeni se prenose bez ikakvih dodatnih intervencija.
- Ukoliko sadašnji parcijalni ispit (ili sadašnji I parcijalni ispit) nosi drugačiji broj poena u odnosu na raniji I parcijalni ispit, ali je zadržao istu strukturu kao i raniji I parcijalni ispit, poeni se prenose uz odgovarajuće skaliranje. Naprimjer, ukoliko je raniji I parcijalni ispit nosio najviše 20 poena, a sada nosi najviše 30 poena, preneseni poeni se množe s faktorom $30/20 = 1.5$.
- Ukoliko je sadašnji parcijalni ispit (ili sadašnji I parcijalni ispit) promijenio i broj poena i strukturu u odnosu na raniji I parcijalni ispit (naprimjer ukoliko je promijenjen broj zadataka, ili su na ispit dodata i teorijska pitanja), prosto skaliranje ostvarenog broja poena *nije prihvatljiva opcija*. U tom slučaju studentu se mora ponuditi ili da polaže razliku koja obuhvata samo ono gradivo koje je dodato u novoj strukturi ispita, ili da prihvati broj poena onakav kakav jeste (ukoliko je zadovoljan tim brojem poena). Ukoliko je došlo do promjene broja poena koje nosi priznati dio gradiva, vrši se i odgovarajuće skaliranje (naprimjer, ukoliko je I parcijalni ispit nosio najviše 20 poena, a sad taj isti dio gradiva na parcijalnom ispitu nosi 24 poena, vrši se skaliranje s faktorom $24/20 = 1.2$). Razlika može nositi najviše onoliko bodova koliko iznosi razlika u maksimalnom broju poena u novoj i staroj varijanti ispita (uključujući eventualno skaliranje). Bodovi ostvareni polaganjem ove razlike sabiraju se sa brojem poena koji je ostvaren na I parcijalnom ispitu prethodne akademske godine. Naravno, student se uvijek može odlučiti da ne prihvati ništa i da prosto radi ispit ponovo.

1.2. Priznavanje II parcijalnog ispita

Poeni sa položenog II parcijalnog ispita iz prethodne akademske godine mogu se priznati u toku ove akademske godine kao poeni sa pismenog dijela završnog ispita, odnosno II parcijalnog ispita ukoliko na predmetu i dalje postoji II parcijalni ispit. Pravila šta se smatra položenim II parcijalnim

ispitom analogna su kao za I parcijalni ispit. Nepoloženi II parcijalni ispit ili II parcijalni ispit položen u akademskim godinama prije prethodne *ne mogu se priznati*.

Precizan postupak priznavanja poena (za slučaj kada je priznavanje dozvoljeno) je sljedeći:

- Ukoliko sadašnji pismeni dio završnog ispita (ili sadašnji II parcijalni ispit) nosi isti broj poena kao i raniji II parcijalni ispit, poeni se prenose bez ikakvih dodatnih intervencija.
- Ukoliko sadašnji pismeni dio završnog ispita (ili sadašnji II parcijalni ispit) nosi drugačiji broj poena u odnosu na raniji II parcijalni ispit, ali je zadržao istu strukturu kao i raniji II parcijalni ispit, poeni se prenose uz odgovarajuće skaliranje, po istom principu kao i za I parcijalni ispit.
- Ukoliko je sadašnji pismeni dio završnog ispita (ili sadašnji II parcijalni ispit) promijenio i broj poena i strukturu u odnosu na raniji II parcijalni ispit, studentu se mora ponuditi ili polaze razliku koja obuhvata samo ono gradivo koje je dodato u novoj strukturi ispita, ili da prihvati broj poena onakav kakav jeste. Za polaganje razlike i eventualno skaliranje priznatog dijela gradiva vrijede ista pravila kako je već opisano u slučaju I parcijalnog ispita.

Napomena: Studenti kojima se priznaju poeni sa II parcijalnog ispita, a koji duguju poene sa I parcijalnog ispita, imaju priliku da riješe dug jedino u terminu koji je regularno predviđen za polaganje parcijalnog ispita (ili I parcijalnog ispita), s obzirom da na završnim ispitima nije predviđena mogućnost polaganja samo gradiva prvog parcijalnog ispita. Međutim, ukoliko predmetni nastavnik to želi i za to ima mogućnosti, on može takvim studentima omogućiti da na završnim ispitima rade samo gradivo koje spada u oblast parcijalnog ispita (odnosno I parcijalnog ispita).

1.3. Priznavanje ostalih komponenti koje utječu na formiranje ocjene

Studenti koji iz prethodne akademske godine imaju poene ostvarene kroz izradu zadaća, mogu te poene prenijeti u ovu akademsku godinu ukoliko to žele, i to bez izmjene, ali ne u količini većoj od maksimalnog broja poena predviđenih za zadaće u ovoj akademskoj godini. Ukoliko je ove akademske godine došlo do povećanja maksimalnog broja poena predviđenih za zadaće, poeni se *ne skaliraju*, a studentu se mogu ponuditi dodatne zadaće da kompenzira razliku u poenima. Poeni ostvareni na osnovu zadaća iz akademskih godina prije prethodne *ne mogu se priznati*.

Poeni ostvareni po osnovi aktivnog ili pasivnog učešća u nastavi studentima se mogu prenijeti iz *bilo koje od ranijih akademskih godina*, a ne nužno samo iz prethodne godine. Prenos je bez izmjene, ali ne u količini većoj od maksimalnog broja poena predviđenih po ovoj osnovi ovoj akademskoj godini.

Poeni ostvareni po osnovi drugih vidova bodovanja (putem seminarskih radova, projekata, itd.) mogu se prenijeti bez izmjene, ali samo iz prethodne akademske godine.

2. Studenti koji imaju apsolventski status

S obzirom da studenti apsolventi svakako imaju posebne ispitne rokove, tačnije imaju pravo da bilo koju komponentu ispita polažu u bilo kojem terminu predviđenim za polaganje ispita, kao i na činjenicu da se za njih tipično sastavljaju posebni ispiti, studentima apsolventima se omogućuje da polažu ispite na isti način i po istim pravilima kako je to vrijedilo u prethodnoj akademskoj godini.

Prodekan za nastavu:

Red. prof. dr. Željko Jurić